



M I S S Æ  
P R O P R I Æ  
S A N C T O R V M  
R E G N I S V E C I Æ  
P A T R O N O R V M,

Ad normam

MISSALIS ROMANI

accommodatæ.



COLONIÆ AGRIPPINÆ,

Apud CORNELIVM AB EGMOND.

M D C L I I I.

KALENDARIVM  
 SANCTORVM  
 REGNI SVECIÆ  
 PATRONORVM.

FESTA IANVARII.

Die xix. S. Henrici, Episcopi & Martyris. duplex.  
 Die xxiiij. Translatio S. Erixi, Regis & Martyris. duplex.

FESTA FEBRVARII.

Die iij. S. Ansgarii, Episcopi & Confessoris. duplex.  
 Die xxv. S. Sigfridi, Episcopi & Confessoris. duplex.

FESTA MARTII.

Die xxiiij. S. Catharinæ Vastanensis, Virginis, filix S. Birgittæ. dupl.

FESTA MAII.

Die xvij. S. Erixi, Regis & Martyris. duplex.

FESTA IVNII.

Die xij. S. Æschili, Episcopi & Martyris. duplex.

FESTA IVLII.

Dominica proximâ post Octavam SS. Apostolorum Petri & Pauli, celebratur Festum SS. Patronorum Sueciæ. duplex.

Die xv. S. Davidis, Abbatis.  
 Die xxviiij. S. Botuidi, Martyris. duplex.  
 Die xxix. S. Olavi, Regis & Martyris. duplex.  
 Die xxxj. S. Helenæ, Viduæ & Martyris. duplex.

FESTA AVGVSTI.

Die ij. Commemoratio S. Catharinæ Vastanensis, Virginis.

FESTA OCTOBRIS.

Die viij. S. Birgittæ, Viduæ. duplex.

MISSÆ PROPRIÆ  
 SANCTORVM  
 REGNI SVECIÆ  
 PATRONORVM.

FESTA IANVARII.

Die xix. In festo sancti Henrici, Episcopi & Martyris. Introitus.

**S**acerdotes Dei benedicite Dominum: sancti & humiles corde laudate Deum. Psal. Benedicite omnia opera Domini Domino: laudate & superexaltate eum in secula. y. Gloria Patri. Oratio.

**O**Mnipotens sempiternus Deus, qui Beato Henrico Martyri tuo atque Pontifici, glorioso triumpho Martyrii largitus es palmam: ejus quæsumus meritis & precibus gratiam nobis largiaris & gloriam. Per Dñm nostrum.

Lectio Epistolæ beati Pauli Apóstoli ad Corinthios.

**F**ratres, Benedictus Deus & Pater Domini nostri Iesu Christi, Pater misericordiarum, & Deus totius consolatiõnis, qui consolatur nos in omni tribulatiõne nostra: ut possimus & ipsi consolari eos, qui in omni pressura sunt, per exhortatiõnem, qua exhortamur & ipsi à Deo. Quoniam, sicut abundant passiones Christi in no-

bis, ita & per Christum abundat consolatio nostra. Sive autem tribulamur pro vestra exhortatiõne & salute, sive consolamur pro vestra consolatiõne, sive exhortamur pro vestra exhortatiõne & salute, quæ operatur tolerantiam earumdem passionum, quas & nos patimur: ut spes nostra firma sit pro vobis: scientes, quod, sicut socii passionum estis, sic eritis & consolatiõnis: in Christo Iesu Domino nostro.

**Graduale.** Gloria & honore coronasti eum. y. Et constituisti eum super opera manuum tuarum, Domine. Allelúja, allelúja. y. Hic est sacerdos, quem coronavit Dominus. Allelúja.

Post Septuagesimam, ommissis Allelúja, & Versu sequenti, dicitur

**Tractus.** Beatus vir, qui timet Dominum: in mandatis ejus cupit nimis. y. Potens in terra erit semen ejus: generatio rectorum benedicetur. y. Gloria & divitiæ in domo ejus: & justitia ejus manet in seculum seculi.

Sequentia sancti Evangelii secundum Matthæum.

**I**n illo tempore: Dixit Iesus discipulis suis: Si quis vult post me

venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animam vero suam detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera eius.

**Offertorium.** Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

**Secreta.**

**M** Vnera tibi Domine dicata sanctifica: & intercedente beato Henrico, martyre tuo atque Pontifice, per eadem nos placatus intende. Per Dominum.

**Communio.** Posuisti Domine in capite eius coronam de lapide pretioso.

**Postcommunio.**

**H** Aec nos communitio, Domine, purget a crimine: & intercedente beato Henrico, martyre tuo atque Pontifice, caelestis remedii faciat esse consortes. Per Dominum nostrum.

Die xxiv.

**In festo Translationis sancti Erici, Regis & Martyris. Introitus.**

Pf. 20.



**I** N virtute tua, Domine, letabitur justus: & super salutare tuum exultabit vehementer: desiderium anime eius tri-

buiisti ei. **Pfal.** Quoniam prevenisti eum in benedictionibus dulcedinis: posuisti in capite eius coronam de lapide pretioso. **V.** Gloria Patri.

**Oratio.**

**P** Ræsta quæsumus omnipotens Deus: ut, qui beati Erici Martyris tui Translationem colimus, intercessione eius in tui nominis amore roboreremur. Per Dominum nostrum.

**Lectio libri Sapientia.**

**I** Vstum deduxit Dns per vias rectas, & ostendit illi regnum Dei, & dedit illi scientiam sanctorum: honestavit illum in laboribus, & complavit labores illius. In fraude circumventium illum affuit illi: & honestum fecit illum. Custodivit illum ab inimicis, & a seductoribus tutavit illum: & certamen forte dedit illi, ut vinceret, & sciret quoniam omnium potentior est sapientia. Hæc venditum justum non dereliquit, sed a peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & potentiam adversus eos qui eum deprimebant: & mendaces ostendit, qui maculaverunt illum: & dedit illi claritatem æternam, Dominus Deus noster.

**Graduale.** Beatus vir, qui timet Dominum: in mandatis eius cupit nimis. **V.** Potens in terra erit semen eius: generatio rectorum benedicetur. **A**lleluja, alleluja. **V.** Posuisti Domine super caput eius coronam de lapide pretioso. **A**lleluja.

**Post Septuagesimam, omissis**

Alle-

**Alleluja, & Versu sequenti, dicitur**

**Tractus.** Desiderium anime ejus tribuisti ei, & voluntate labiorum ejus non fraudasti eum. **V.** Quoniam prevenisti eum in benedictionibus dulcedinis. **V.** Posuisti in capite ejus coronam de lapide pretioso.

**S** equentia sancti Evangelii secundum Matthæum.

**I** N illo tempore: Dixit Iesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animam vero suam detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera eius.

**Offertorium.** Gloria & honore coronasti eum: & constituisti eum super opera manuum tuarum, Domine.

**Secreta.**

**M** Vneribus nostris, quæsumus Domine, precibusque susceptis: & caelestibus nos munda mysteriis, & clementer exaudi. Per Dominum.

**Communio.** Qui vult venire post me, abneget semetipsum: & tollat crucem suam, & sequatur me.

**Postcommunio.**

**D** A, quæsumus Domine Deus noster: ut, sicut, tuorum com-

memoratione Sanctorum, temporali gratulamur officio; ita perpetuo lætemur aspectu. Per Dominum nostrum.

**FESTA FEBRUARII.**

**In festo sancti Ansgarii, Episcopi & Confessoris.**

**Introitus.**

**S** Tatu it ei Dominus testamentum pacis: & principem fecit eum: ut sit illi sacerdotii dignitas in æternum. **Pfal.**

**M**emento Domine David: & omnis mansuetudinis ejus. **V.** Gloria Patri. **Oratio.**

**E** Xaudi, quæsumus Domine, preces nostras, quas in beati Ansgarii Confessoris tui atque Pontificis solemnitate deferimus: & qui tibi digne meruit famulari, ejus intercedentibus meritis ab omnibus nos absolve peccatis. Per Dominum nostrum.

**Lectio libri Sapientia.**

**E** Cce sacerdos magnus, qui in diebus suis placuit Deo, & inventus est justus: & in tempore iracundia factus est reconciliatio. Non est inventus similis illi, qui conservavit legem Excelsi. Ideo jurejurando fecit illum Dominus crescere in plebem suam. Benedictionem omnium gentium dedit illi, & testamentum suum confirmavit super caput ejus. Agnovit eum in benedictionibus suis: conservavit illi misericordiam suam: & invenit gratiam coram oculis Domini. Magnificavit eum in

Die iij.

Ecll. 45.

Pfal. 131.

Ecll. 44. c.

Cap. 45.

conspéctu regum : & dedit illi corónam glóriæ. Státuit illi testaméntum ætérnum : & dedit illi sacerdotium magnum : & beatificávit illum in glória. Fungi sacerdotio , & habère laudem in nómine ipsíus : & offerre illi incénsus dignum , in odórem suavitátis.

Ecclesi. 44.

**Graduale.** Ecce sacerdos magnus, qui in diébus suis placuit Deo. *V.* Non est inventus similis illi, qui conservaret legem Excelsi. **Allelúja**, allelúja. *V.* Tu es sacerdos in ætérnum, secúndum órđinem Melchisedech. Allelúja.

Psal. 109.

**Post Septuagesimam, omisso Allelúja, & Versu sequenti, dicitur**

Psal. 111.

**Tractus.** Beátus vir, qui timet Dóminum : in mandátis ejus cupit nimis. *V.* Potens in terra erit semen ejus : generatio rectórum benedicetur. *V.* Glória & divitiæ in domo ejus : & justitia ejus manet in sæculum sæculi.

**Sequéntia sancti Euangélii** secúndum Matthæum.

Matt. 25.

**I**n illo tempore : Dixit Iesus discipulis suis parabolam hanc : Homo peregrè proficiscens, vocavit servos suos, & tradidit illis bona sua. Et uni dedit quinque talenta, alii autem duo, alii verò unum, unicuique secúndum propriam virtutem : & profectus est statim. Abiit autem qui quinque talenta accéperat, & operatus est in eis, & lucratus est alia quinque. Similiter & qui duo accéperat, lucratus est alia duo. Qui autem unum accéperat, abiens fodit in terram, & abscondit pecuniam

dómini sui. Post multum verò temporis venit dóminus servórum illórum, & posuit ratióne cum eis. Et accédens qui quinque talenta accéperat, obtulit alia quinque talenta, dicens : Dómine, quinque talenta tradidisti mihi, ecce alia quinque superlucratus sum. Ait illi dóminus ejus : Euge serve bone & fidelis, quia super pauca fuisti fidelis, super multa te constituam; intra in gáudium dómini tui. Accessit autem & qui duo talenta accéperat, & ait : Dómine, duo talenta tradidisti mihi, ecce alio duo lucratus sum. Ait illi Dóminus ejus : Euge serve bone & fidelis, quia super pauca fuisti fidelis, super multa te constituam; intra in gáudium Dómini tui.

**Offertorium.** Inveni David servum meum, oleo sancto meo unxi eum : manus enim mea auxiliabitur ei, & bráchium meum confortabit eum.

**Secreta.**

**S**ancti tui, quæsumus Dómine, nos ubique lætificent : ut, dum eórum mérita recólimus, patrocinia sentiámus. Per Dóminum.

**Communio.** Fidelis servus & prudens, quem constituit dóminus super familiam suam : ut det illis in tempore tritici mensuram.

**Postcommunio.**

**P**ræsta, quæsumus omnipotens Deus : ut de perceptis munéribus grátias exhibéntes, intercedente beáto Ansgario Confessóre tuo atque Pontífice, beneficia potiòra sumámus. Per Dóminum nostrum.

In

**In festo sancti Sigfridi, Episcopi & Confessoris.**

**Introitus.**



**S**tátuit ei Dóminus testaméntum pacis : & principem fecit eum : ut sit illi sacerdotii dignitas in ætérnum. **Psal-**

Psal. 137.

**mus.** Meménto Dómine David : & omnis mansuetúdinis ejus. *V.* Glória Patri. **Oratio.**

**D**eus, qui beátum Sigfrídum, Confessórem tuum, Evangelicæ prædicatiónis gratia sublimasti : præsta quæsumus, ut & doctrinã ejus erudiámur, & præcibus adjuvémur. Per Dóminum nostrum.

**Lectio libri Sapiéntiæ.**

Ecclesi. 44. 6.

**E**cce sacerdos magnus, qui in diébus suis placuit Deo, & inventus est justus : & in tempore iracundiæ factus est reconciliatio. Non est inventus similis illi, qui conservavit legem Excelsi. Ideò jurejurando fecit illum Dóminus crescere in plebem suam. Benedictiõnem ómnium géntium dedit illi, & testaméntum suum confirmávit super caput ejus. Agnovit eum in benedictiõibus suis : conservávit illi misericórdiam suam : & invenit grátiam coram óculis Dómini. Magnificávit eum in conspéctu regum : & dedit illi corónam glóriæ. Státuit illi testaméntum ætérnum : & dedit illi sacerdotium magnum : & beatificávit illum in glória. Fungi sacerdotio, & habère laudem in nómine ipsíus : & offerre illi incénsus dignum, in odórem suavitátis.

Cap. 45.

**Graduale.** Ecce sacerdos magnus, qui in diébus suis placuit Deo. *V.* Non est inventus similis illi, qui conservaret legem Excelsi. **Allelúja**, allelúja. *V.* Tu es sacerdos in ætérnum, secúndum órđinem Melchisedech. Allelúja.

Ecclesi. 44.

Psal. 109.

**Post Septuagesimam, omisso Allelúja, & Versu sequenti, dicitur**

**Tractus.** Beátus vir, qui timet Dóminum : in mandátis ejus cupit nimis. *V.* Potens in terra erit semen ejus : generatio rectórum benedicetur. *V.* Glória & divitiæ in domo ejus : & justitia ejus manet in sæculum sæculi.

Psal. 111.

**Sequéntia sancti Euangélii** secúndum Matthæum.

**I**n illo tempore : Dixit Iesus discipulis suis parabolam hanc : Homo peregrè proficiscens, vocavit servos suos, & tradidit illis bona sua. Et uni dedit quinque talenta, alii autem duo, alii verò unum, unicuique secúndum propriam virtutem : & profectus est statim. Abiit autem qui quinque talenta accéperat, & operatus est in eis, & lucratus est alia quinque. Similiter & qui duo accéperat, lucratus est alia duo. Qui autem unum accéperat, abiens fodit in terram, & abscondit pecuniam dómini sui. Post multum verò temporis venit dóminus servórum illórum, & posuit ratióne cum eis. Et accédens qui quinque talenta accéperat, obtulit alia quinque talenta, dicens : Dómine, quinque talenta tradidisti mihi, ecce alia quinque superlucratus sum. Ait illi dóminus ejus : Euge serve bone

Matt. 25.

& fidelis, quia super pauca fuisti fidelis, super multa te constituam; intra in gaudium domini tui. Accessit autem & qui duo talenta acceperat, & ait: Domine, duo talenta tradidisti mihi, ecce alia duo lucratus sum. Ait illi dominus ejus: Euge serve bone & fidelis, quia super pauca fuisti fidelis, super multa te constituam; intra in gaudium domini tui.

*Pf. 88.* **Offertorium.** Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum.

**Secreta.**

**S**ancti tui, quæsumus Domine, nos ubique lætificent: ut, dum eorum merita recolumus, patrocinia sentiamus. Per Dominum.

*Lucæ 12.* **Communio.** Fidelis servus & prudens, quem constituit dominus super familiam suam: ut det illis in tempore tritici mensuram.

**Postcommunio.**

**P**raesta quæsumus, omnipotens Deus: ut de perceptis muneribus gratias exhibentes, intercedente beato Sigfrido Confessore tuo atque Pontifice, beneficia potentiora sumamus. Per Dominum nostrum.

FESTA MARTII.

*Die xxij.* **In festo S. Catharinæ Vastanensis, Virginis. Introitus.**

*Pf. 44.* **D**ilexisti iustitiam, & odisti iniquitatem: propterea unxit te Deus, Deus tuus, oleo lætitiæ præ confortibus tuis. *Pfal.*

*Ibid.*

**mus.** Fructavit cor meum verbum bonum: dico ego opera mea Regi. *y.* Gloria Patri.

**Oratio.**

**D**eus, qui Ecclesiam tuam beatæ Catharinæ Virginis præclaris decoras meritis, & gloriôsis lætificas miraculis: concede nobis famulis tuis; ut & exemplis ejus in melius reformemur, & patrocinio ab omnibus adversis protegâmur. Per Dominum nostrum.

**L**ectio Epistolæ beati Pauli Apóstoli ad Corinthios.

**F**ratres, Qui gloriatur, in Dño glorietur. Non enim qui seipsum commendat, ille probatus est: sed quem Deus commendat. Utinam sustineretis modicum quid insipientiæ meæ; sed & supportate me. *2 Cor. 10. d.* **Æmulo** enim vos Dei æmulatione. Despondi enim vos uni viro virginem castam exhibere Christo. *Cap. 11.*

**A**llelúja, allelúja. *y.* Adducuntur Regi virgines post eam: proximæ ejus afferentur tibi in lætitia. Allelúja. *y.* Spécie tua, & pulchritudine tuâ, intende, prospere procede, & regna. Allelúja. *Pf. 44.*

**Sequentia sancti Evangelii secundum Matthæum.**

**I**n illo tempore: Accesserunt ad Iesum Pharisei, tentantes eum, & dicentes: Si licet homini dimittere uxorem suam, quacumque ex causa? Qui respondens, ait eis: Non legistis, quia qui fecit hominem ab initio, masculum & feminam fecit eos? & dixit: Propter hoc dimittet homo patrem &

matrem,

matrem, & adhærebit uxori suæ, & erunt duo in carne una. Itaque jam non sunt duo, sed una caro. Quod ergo Deus conjunxit, homo non separet. Dicunt illi: Quid ergo Moyses mandavit dare libellum repudii, & dimittere? Ait illis: Quoniam Moyses ad duritiam cordis vestri permisit vobis dimittere uxores vestras: ab initio autem non fuit sic. Dico autem vobis, quia quicumque dimiserit uxorem suam, nisi ob fornicationem, & aliam duxerit, moechatur: & qui dimissam duxerit, moechatur. Dicunt ei discipuli ejus: Si ita est causa hominis cum uxore, non expedit nubere. Qui dixit illis: Non omnes capiunt verbum istud, sed quibus datum est. Sunt enim eunuchi, qui de matris utero sic nati sunt: & sunt eunuchi, qui facti sunt ab hominibus: & sunt eunuchi, qui seipso castraverunt propter regnum cælorum. Qui potest capere, capiat.

*Pf. 44.* **Offertorium.** Filiæ regum in honore tuo; assistit regina à dextris tuis in vestitu deaurato, circumdata varietate.

**Secreta.**

**A**ccépta tibi sit, Domine, sacratæ plebis oblatio, pro tuorum honore Sanctorum: quorum se meritis de tribulatione percipisse cognoscit auxilium. Per Dominum nostrum Iesum Christum Filium tuum.

*Matt. 25.* **Communio.** Quinque prudentes virgines acceperunt oleum in vasis suis cum lampadibus: média autem nocte clamor factus est; Ecce

sponsus venit, exite obviam Christo Domino.

**Postcommunio.**

**S**atiasti Domine familiam tuam muneribus sacris: ejus quæsumus semper interventione nos refove, cujus solœmnia celebramus. Per Dominum.

FESTA MAII.

**In festo sancti Erii, Regis & Martyris. Introitus.**

*Die xvij.*

**P**rotexisti me Deus à conventu malignantiũ, allelúja: à multitudinem operantium iniquitatem, allelúja, allelúja. *Pf. 63.*

**Pfal.** Exaudi Deus orationem meam cum deprecor: à timore inimici eripe animam meam. *y.* Gloria Patri. *Ibid.*

**Oratio.**

**D**eus, qui beato Erico, Regi & Martyri tuo, victoriæ palmam & cælestis Regni gloriã contulisti: fac nos, quæsumus, ejus meritis & intercessione, cuncta nobis adversantia vincere, & coronam gloriæ in cælis feliciter obtinere. Per Dominum.

**Lectio libri Sapiëntiæ.**

**S**tabunt justi in magna constantia, adversus eos qui se angustiaverunt, & qui abstulerunt labores eorum. Videntes turbantur timore horribili, & mirantur in subitatione insperatæ salutis, dicentes intra se, poenitentiam agentes, & præ angustia spiritus gementes: Hi sunt, quos habuimus aliquando in derisum, & in similitudinem improperii. Nos

*Sap. 5.*

insen-

insensati vitam illorum aestimabamus insaniam, & finem illorum sine honore: ecce, quomodo computati sunt inter filios Dei, & inter sanctos fors illorum est.

*Pf. 88.* Allelúja, allelúja. *v.* Confitebuntur caeli mirabilia tua Domine: etenim veritatem tuam in ecclesia sanctorum. Allelúja. *v.* Posuisti Domine super caput eius coronam de lapide pretioso. Allelúja.

Sequentia sancti Evangelii secundum Ioannem.

*Ioan. 15.* **I**N illo tempore: Dixit Iesus discipulis suis: Ego sum vitis vera: & Pater meus agricola est. Omnem palmitem in me non ferentem fructum, tollet eum: & omnem qui fert fructum, purgabit eum, ut fructum plus afferat. Iam vos mundi estis propter sermonem, quem locutus sum vobis. Manete in me: & ego in vobis. Sicut palmes non potest ferre fructum a semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere. Si quis in me non manserit: mittetur foras sicut palmes; & ardescet, & colligent eum, & in ignem mittent, & ardet. Si manseritis in me, & verba mea in vobis manserint: quodcumque volueritis, petetis, & fiet vobis.

*Pf. 88.* **Offertorium.** Confitebuntur caeli mirabilia tua Domine, & veritatem tuam in ecclesia sanctorum, allelúja, allelúja. **Secreta.**

**M**Vneribus nostris, quaesumus Domine, precibusque sus-

ceptis, & caelestibus nos munda mysteriis, & clementer exaudi. Per Dominum nostrum.

**Communio.** Latabitur justus in Domino, & sperabit in eo: & laudabuntur omnes recti corde, allelúja, allelúja. *Pf. 63.*

**Postcommunio.**

**D**A, quaesumus Domine Deus noster: ut, sicut tuorum commemoratiōne sanctorum, temporali gratulamur officio; ita perpetuo laetemur aspectu. Per Dominum nostrum.

**Si autem extra tempus Paschale celebratur, Missa dicitur, In virtute tua. ut in Comuni Martyris non Pontificis. iiii. nisi quod Evangelium erit, Si quis vult post me venire. Oratio autem, & Secreta, & Postcommunio, ut supra.**

## FESTA IUNII.

In festo sancti Aeschili, Episcopi & Martyris. **Introitus.** *Die xij.*



**S**Acerdotes Dei benedicite Dominum: sancti & humiles corde laudate Deum. **Psal.** Benedicite omnia opera Domini Domino: laudate & superexaltate eum in saecula. *Dan. 3.* **Gloria Patri.**

**Oratio.**

**D**Eus, qui beatum Aeschilum Pontificem tuum, pro fidei dilatatione martyrium subire voluisti: praesta quaesumus; ut omnes qui ejus implorant auxilium, petitionis suae salutarem consequantur effectum. Per Dominum nostrum.

Lectio

Lectio Epistolae beati Pauli Apostoli ad Corinthios.

*Cor. 1.* **F**RATRES: Benedictus Deus & Pater Domini nostri Iesu Christi, Pater misericordiarum, & Deus totius consolationis, qui consolatur nos in omni tribulatione nostra: ut possimus & ipsi consolari eos, qui in omni pressura sunt, per exhortationem, qua exhortamur & ipsi a Deo. Quoniam sicut abundant passionis Christi in nobis: ita & per Christum abundat consolatio nostra. Sive autem tribulamur pro vestra exhortatione & salute, sive consolamur pro vestra consolatione, sive exhortamur pro vestra exhortatione & salute, quae operatur tolerantiam earumdem passionum, quas & nos patimur: ut spes nostra firma sit pro vobis: scientes, quod, sicut socii passionum estis, sic eritis & consolationis: in Christo Iesu Domino nostro. *Pf. 8.*

**Graduale.** Gloria & honore coronasti eum. *v.* Et constituisti eum super opera manuum tuarum, Domine. **Allel. allel. v.** Hic est sacerdos, quem coronavit Dñs. Allelúja.

Sequentia sancti Evangelii secundum Ioannem.

*Ioan. 10. 6.* **I**N illo tempore: Dixit Iesus Pharisaeis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cujus non sunt oves propriae, videt lupum venientem, & dimittit oves, & fugit: & lupus rapit, & dispergit oves: mercenarius autem fugit, quia mercenarius est, & non

pertinet ad eum de ovibus. Ego sum pastor bonus: & cognosco meas, & cognoscunt me meae. Sicut novit me Pater, & ego agnosco Patrem: & animam meam pono pro ovibus meis. Et alias oves habeo, quae non sunt ex hoc ovili: & illas oportet me adducere, & vocem meam audient, & fiet unum ovile, & unus pastor. *Pf. 88.*

**Offertorium.** Inveni David servum meum, oleo sancto meo unxi eum: manus enim mea auxiliabitur ei, & brachium meum confortabit eum. **Secreta.**

**M**Vnera tibi Domine dicata sanctifica: & intercedente beato Aeschilo, martyre tuo atque Pontifice, per eadem nos placatus intende. Per Dominum.

**Communio.** Posuisti Domine in capite ejus coronam de lapide pretioso. **Postcommunio.**

**H**aec nos communitio, Domine, purget a crimine: & intercedente beato Aeschilo, martyre tuo atque Pontifice, caelestis remedii faciat esse consortes. Per Dominum nostrum. *Pf. 20.*

## FESTA IULII.

Dominica proxima post Octavam SS. Petri & Pauli Apostolorum, celebratur Festum Sanctorum Patronorum Regni Sueciae.

**Introitus.**



Audeamus omnes in Domino, diem festum celebrantes sub honore Sanctorum omnium: de quorum solemnitate

gaudent

gaudent Angeli, & collaudant Filium Dei. **Psal.** Exultate iusti in Domino: rectos decet collaudatio. **v.** Gloria Patri.

**Oratio.**

**I**nfirmi-  
tatem nostram, quæsumus Domine, propitius respice: & mala omnia, quæ pro peccatis nostris iuste meremur, Sanctorum tuorum hujus Regni Patronorum intercessione clementer averte. Per Dñm nostrum.

**Lectio libri Sapiëntiæ.**

**V**isitorum animæ in manu Dei sunt, & non tanget illos tormentum mortis. Visi sunt oculis insipientium mori: & æstimata est afflictio exitus illorum; & quod a nobis est iter, exterminium: illi autem sunt in pace. Et si coram hominibus tormenta passi sunt, spes illorum immortalitate plena est. In paucis vexati, in multis benedispontentur: quoniam Deus tentavit eos, & invenit illos dignos se. Tamquam aurum in fornace probavit illos, & quasi holocausti hostiam accepit illos, & in tempore erit respectus illorum. Fulgebunt iusti, & tamquam scintillæ in arundinato discurrent. Iudicabunt nationes, & dominabuntur populis, & regnabit Dominus illorum in perpetuum.

**Graduale.** **T**imete Dominum omnes sancti eius: quoniam nihil deest timentibus eum. **v.** Inquirentes autem Dominum non deficient omni bono. **A**llelúja, allelúja. **v.** Venite ad me omnes qui laboratis & onerati estis, & ego reficiam vos. Allelúja.

**S**equentia sancti Evangelii secundum Matthæum.

**I**n illo tempore: Videns Iesus turbas, ascendit in montem; & cum sedisset, accesserunt ad eum discipuli ejus; & aperiens os suum, docebat eos, dicens: Beati pauperes spiritu: quoniam ipsorum est regnum cælorum. Beati mites: quoniam ipsi possidebunt terram. Beati, qui lugent: quoniam ipsi consolabuntur. Beati, qui esuriunt & sitiunt iustitiam: quoniam ipsi saturabuntur. Beati misericordes: quoniam ipsi misericordiam consequentur. Beati mundo corde: quoniam ipsi Deum videbunt. Beati pacifici: quoniam filii Dei vocabuntur. Beati, qui persecutionem patiuntur propter iustitiam: quoniam ipsorum est regnum cælorum. Beati estis cum maledixerint vobis, & persecuti vos fuerint, & dixerint omne malum adversum vos, mentientes, propter me: gaudete, & exultate, quoniam merces vestra copiosa est in cælis. **C**redo.

**Offertorium.** **I**ustorum animæ in manu Dei sunt, & non tanget illos tormentum malitiæ: visi sunt oculis insipientium mori, illi autem sunt in pace.

**Secreta.**

**M**vnera tibi, Domine, nostræ devotionis offerimus: quæ & pro cunctorum tibi grata sint honore iustorum, & nobis salutaria, te miserante, reddantur. Per Dominum nostrum.

**Communio.** **B**eati mundo corde, quoniam ipsi Deum videbunt:

beati

beati pacifici, quoniam filii Dei vocabuntur: beati, qui persecutionem patiuntur propter iustitiam, quoniam ipsorum est regnum cælorum.

**Postcommunio.**

**D**A, quæsumus Domine, fidelibus populis, omnium Sanctorum semper veneratione lætari, & eorum perpetua supplicatione muniri. Per Dominum.

**In festo S. Davidis Abbatis.****Introitus.**

**O**s iusti meditabitur sapientiam, & lingua ejus loquetur iudicium: lex Dei ejus in corde ipsius. **Psal.** Noli æmulari in malignantibus: neque zelaveris facientes iniquitatem. **v.** Gloria Patri.

**Oratio.**

**I**ntercessio nos, quæsumus Domine, beati Davidis Abbatis commendet: ut, quod nostris meritis non valemus, ejus patrocinio assequamur. Per Dominum.

**Lectio libri Sapiëntiæ.**

**D**ilectus Deo & hominibus, cujus memoria in benedictione est. Similem illum fecit in gloria sanctorum, & magnificavit eum in timore inimicorum, & in verbis suis monstra placavit. Glorificavit illum in conspectu regum, & iussit illi coram populo suo, & ostendit illi gloriam suam. In fide & lenitate ipsius sanctum fecit illum, & elegit eum ex omni carne. Audivit enim eum, & vocem ipsius, & induxit illum in nubem. Et dedit illi coram præcepta, & legem vitæ & disciplinæ.

**Graduale.** **D**omine, prævenisti eum in benedictionibus dulcedinis: posuisti in capite ejus coronam de lapide pretioso. **v.** Vitam petiit a te, & tribuisti ei longitudinem dierum in sæculum sæculi. **A**llelúja, allelúja. **v.** Iustus ut palma florebit: sicut cedrus Libani multiplicabitur. Allelúja.

**S**equentia sancti Evangelii secundum Matthæum.

**I**n illo tempore: Dixit Petrus ad Iesum: Ecce nos reliquimus omnia, & secuti sumus te: quid ergo erit nobis? Iesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede maiestatis suæ, sedebitis & vos super sedes duodecim, iudicantes duodecim tribus Israël. Et omnis, qui reliquerit domum, vel fratres, aut forores, aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit.

**Offertorium.** **D**esiderium animæ ejus tribuisti ei Domine, & voluntate labiorum ejus non fraudasti eum: posuisti in capite ejus coronam de lapide pretioso.

**Secreta.**

**S**acris altaribus, Domine, hostias superpositas sanctus David Abbas, quæsumus, in salutem nobis provenire deposcat. Per Dominum nostrum.

**Communio.** **F**idelis servus & prudens, quem constituit dominus super familiam suam: ut det illis in tempore tritici mensuram.

Post-

## Postcommunio.

**P**rotegat nos, Domine, cum tui perceptiōne sacramenti, beatus David Abbas, pro nobis intercedendo: ut & conversatiōnis ejus experiāmur insignia, & intercessiōnis percipiāmus suffragia. Per Dominum nostrum.

Die xxvij  
In festo sancti Botuidi, Martyris.

## Introitus.

Pf. 63.



Etabitur justus in Domino, & sperabit in eo: & laudabuntur omnes recti corde. **Psal.** Exaudi Deus orationem meam cum deprecor: a timore inimici eripe animam meam. **V.** Gloria Patri.

## Oratio.

**C**ordibus nostris, quæsumus Domine, veræ fidei splendor illuceat: & beati Botuidi Martyris tui salutaris intercessio ab instantibus periculis nos defendat. Per Dominum nostrum.

Lectio Epistolæ beati Pauli Apostoli ad Timotheum.

2 Tim. 2.

**C**harissime; Memor esto, Dominum Iesum Christum resurrexisse a mortuis ex semine David, secundum Evangelium meum, in quo laboro usque ad vincula, quasi malè operans: sed verbum Dei non est alligatum. Ideò omnia sustineo propter electos, ut & ipsi salutem consequantur, quæ est in Christo Iesu, cum gloria cælesti. Tu autem affectus es meam doctrinam, institutiōnem, propositum, fidem, longanimitatem, dilectiōnem, pa-

Cap. 3. 6.

tiēntiam, persecutiōnes, passiōnes: quælia mihi facta sunt Antiochiæ, Iconii, & Lystris: quales persecutiōnes sustinui, & ex omnibus eripuit me Dominus. Et omnes, qui piè volunt vivere in Christo Iesu, persecutiōnem patientur.

**Graduale.** Iustus, cum ceciderit, non collidetur: quia Dominus supponit manum suam. **V.** Tota die miseretur, & commodat: & semen ejus in benedictiōne erit. **Alleluja,** alleluja. **V.** Qui sequitur me, non ambulat in tenebris, sed habebit lumen vitæ æternæ. **Alleluja.**

Sequentia sancti Evangelii secundum Iohannem.

**I**n illo tempore: Dixit Iesus discipulis suis: Amen, amen dico vobis, nisi granum frumenti, cadens in terram, mortuum fuerit; ipsum solum manet. Si autem mortuum fuerit, multum fructum affert. Qui amat animam suam, perdet eam: & qui odit animam suam in hoc mundo, in vitam æternam custodit eam. Si quis mihi ministrat, me sequatur: & ubi sum ego, illic & minister meus erit. Si quis mihi ministraverit, honorificabit eum Pater meus.

**Offertorium.** Posuisti Domine in capite ejus coronam de lapide pretioso: vitam petiit a te, & tribuisti ei, alleluja.

## Secreta.

**A**ccepta sit in conspectu tuo, Domine, nostra devotio: & ejus nobis fiat supplicatiōne salutaris, pro cuius solemnitate deferretur. Per Dominum.

Com-

**Communio.** Qui mihi ministrat, me sequatur: & ubi sum ego, illic & minister meus erit.

## Postcommunio.

**R**efecti participatiōne muneris sacri, quæsumus Domine Deus noster: ut, cuius exequimur cultum, intercedente beato Botuido martyre tuo, sentiāmus effectum. Per Dominum nostrum.

Die xix.  
In festo sancti Olavi, Regis & Martyris. Introitus.



**I**n virtute tua, Domine, lætabitur justus: & super salutare tuum exultabit vehementer: desiderium animæ ejus tribuisti ei. **Psal.** Quoniam prævenisti eum in benedictiōnibus dulcedinis: posuisti in capite ejus coronam de lapide pretioso. **V.** Gloria Patri.

## Oratio.

**D**eus, qui es Regum corona, & Martyrum victoria: tribue nobis, quæsumus, beati Olavi Regis & Martyris tui pia apud te experiri patrocinia: ut per tuam, quam in ejus passiōne glorificamus magnificentiam, coronam vitæ diligentibus te percipiāmus repromissam. Per Dominum nostrum.

Lectio libri Sapientiæ.

**I**ustum deduxit Dñs per vias rectas, & ostendit illi regnum Dei, & dedit illi scientiam sanctorum: honestavit illum in laboribus, & complèvit labores illius. In fraude circumvenientium illum affuit illi: & honestum fecit illum. Custodiavit illum ab inimicis, & a se-

ductōribus tutavit illum: & certamen forte dedit illi, ut vinceret, & sciret quoniam omnium potentior est sapientia. Hæc venditum justum non dereliquit, sed a peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & potentiam adversus eos qui eum deprimebant: & mendaces ostendit, qui maculaverunt illum: & dedit illi claritatem æternam, Dominus Deus noster.

**Graduale.** Beatus vir, qui timet Dominum: in mandatis ejus cupit nimis. **V.** Potens in terra erit semen ejus: generatio rectorum benedicetur. **Alleluja,** alleluja. **V.** Posuisti Domine super caput ejus coronam de lapide pretioso. **Alleluja.**

Sequentia sancti Evangelii secundum Matthæum.

**I**n illo tempore: Dixit Iesus discipulis suis: Si quis vult post me venire, abneget semetipsum, & tollat crucem suam, & sequatur me. Qui enim voluerit animam suam salvam facere, perdet eam. Qui autem perdidit animam suam propter me, inveniet eam. Quid enim prodest homini, si mundum universum lucratur, animæ verò suæ detrimentum patiatur? Aut quam dabit homo commutatiōnem pro anima sua? Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

**Offertorium.** Gloria & honore coronasti eum: & constituisti eum

b 2 super



super ópera mánuum tuárum , Dómine.

**Secreta.**

**M**Vneribus nostris , quæsumus Dómine , precibusque susceptis : & cælestibus nos munda mystériis , & cleménter exaudi. Per Dóminum.

Mat. 16.

**Communio.** Qui vult venire post me , abneget semetipsum : & tollat crucem suam , & sequatur me.

**Postcommunio.**

**D**A, quæsumus Dómine Deus noster: ut, sicut, tuorum commemoratióne Sanctórum , temporáli gratulamur officio; ita perpetuo lætémur aspéctu. Per Dóminum nostrum.

Die xxxj.

**In festo sanctæ Helenæ , Viduæ & Martyris. Introitus.**

Psal. 118.

**M**E expectaverunt peccatores , ut perderent me: testimónia tua Dómine intellexi : omnis consummatiõnis vidi finem : latum mandátum tuum nimis. **Psal.** Beati immaculati in via : qui ambulat in lege Dómini. **v.** Glória Patri.

Ibid.

**Oratio.**

**L**Argire nobis , quæsumus , cleméntissime Deus , intercessiõne beátæ Helenæ Mátyris tuæ , véniam nostrórum peccatórum : & , quos ejus concedis solémniis gloriári , da ejus precibus gloriõsis cælitus adjuvati. Per Dóminum nostrum.

Lectio libri Sapientia.

Prov. 31. b.

**M**Vlierem fortem quis inveniet ? procul & de últimis

finibus pretium ejus. Confidit in ea cor viri sui , & spoliis non indigebit. Reddet ei bonum , & non malum , omnibus diebus vitæ suæ. Quæsit lanam & linum , & operata est consilio manuum suarum. Facta est quasi navis institoris , de longè portans panem suum. Et de nocte surrexit , deditque prædam domesticis suis , & cibaria ancillis suis. Consideravit agrum , & emit eum : de fructu manuum suarum plantavit vineam. Accinxit fortitudine lumbos suos , & roboravit brachium suum. Gustavit & vidit quia bona est negotiatio ejus : non extinguetur in nocte lucerna ejus. Manum suam misit ad fortia , & digiti ejus apprehenderunt fenum. Manum suam aperuit inopi , & palmas suas extendit ad pauperem. Non timebit domui suæ a frigoribus nivis : omnes enim domestici ejus vestiti sunt duplicibus. Stragulatam vestem fecit sibi : byssus & purpura indumentum ejus. Nobilis in portis vir ejus , quando sederit cum senatoribus terræ. Sindonem fecit & vendidit , & cingulum tradidit Chanaanæo. Fortitudo & decor indumentum ejus , & ridebit in die novissimo. Os suum aperuit sapientia , & lex clementia in lingua ejus. Consideravit semitas domus suæ , & panem otiosa non comedit. Surrexerunt filii ejus , & beatissimam predicaverunt ; vir ejus , & laudavit eam. Multæ filia congregaverunt divitias : tu super-

gressa

gressa es univérfas. Fallax grátia , & vana est pulchritúdo : mulier timens Dóminum , ipsa laudabitur. Date ei de fructu mánuum suarum : & laudent eam in portis ópera ejus.

Psal. 44.

**Graduale.** Dilexisti justitiam , & odisti iniquitatem. **v.** Propterea unxit te Deus , Deus tuus , oleo lætitiæ. **A**llelúja , allelúja. **v.** Specie tua , & pulchritudine tua , intende , prospere procede , & regna. Allelúja.

Sequentia sancti Evangelii secundum Matthæum.

Mat. 23. d.

**I**n illo tempore : Loquente Iesu ad turbas , ecce mater ejus & fratres stabant foris , quærentes loqui ei. Dixit autem ei quidam : Ecce mater tua & fratres tui foris stant , quærentes te. At ipse , respondens dicenti sibi , ait : Quæ est mater mea , & qui sunt fratres mei ? Et extendens manum in discipulos suos , dixit : Ecce mater mea , & fratres mei. Quicumque enim fecerit voluntatem Patris mei qui in cælis est , ipse meus frater , & soror , & mater est.

Psal. 44.

**Offertorium.** Diffusa est grátia in labiis tuis , propterea benedixit te Deus in æternum , & in sæculum sæculi , allelúja.

**Secreta.**

**S**Vscipe Dómine múnera , quæ in beátæ Helenæ mátyris tuæ solemnitate deférimus : cujus nos confidimus patrocínio liberári. Per Dóminum nostrum.

Psal. 118.

**Communio.** Principes persecuti sunt me gratis , & à verbis tuis formidavit cor meum : lætabor ego su-

per eloquia tua , quasi qui invenit spolia multa.

**Postcommunio.**

**A**Vxiliéntur nobis , Dómine , sumpta mystéria : & intercedente beáta Helena mátyre tua , sempiterna faciant protectiõne gaudere. Per Dóminum nostrum.

**FESTA AVGVSTI.**

**Commemoratio sanctæ Catharinae Vastanensis, Virginis.**  
**Missæ , ut supra , xxij Martii.**

Die ij.

**FESTA OCTOBRIS.**

**In festo sanctæ Birgittæ, Viduæ.**  
**Introitus.**

Die vij.



**C**Ognovi Dómine , quia æquitas judícia tua , & in veritate tua humiliasti me : confige timore tuo carnes meas , à mandatis tuis timui. **Psal.** Beati immaculati in via : qui ambulat in lege Dómini. **v.** Glória Patri.

Psal. 118.

**Oratio.**

**D**omine Deus noster , qui beátæ Birgittæ per Filium tuum unigenitum secreta cælestia revelasti : ipsius pia intercessiõne , da nobis famulis tuis , in revelatiõne sempiternæ glóriæ tuæ gaudere lætantes. Per eundem Dóminum nostrum.

Lectio Epistolæ beati Pauli Apostoli ad Timotheum.

**C**harissime ; Viduas honora , quæ verè viduæ sunt. Si quæ autem vidua filios aut nepotes ha-

1 Timoth.

b 3

bet :

bet: discat primùm domum suam regere, & mutuam vicem reddere parentibus: hoc enim acceptum est coram Deo. Quæ autem verè vidua est, & desolata, speret in Deum, & instet obsecrationibus & orationibus nocte ac die. Nam quæ in deliciis est, vivens mortua est. Et hoc præcipe, ut irreprehensibiles sint. Si quis autem suorum, & maxime domesticorum, curam non habet, fidem negavit, & est infideli deterior. Vidua eligatur non minus sexaginta annorum; quæ fuerit unius viri uxor, in operibus bonis testimonium habens, si filios educavit, si hospitio recepit, si sanctorum pedes lavit, si tribulationem patientibus ministravit, si omne opus bonum subsequuta est.

Ma  
16.Die  
xxxPsal.  
118.

Pf. 44.

Ibid.

Matt.  
13. f.Prov  
31. b

**Graduale.** Diffusa est gratia in labiis tuis, propterea benedixit te Deus in æternum. *v.* Propter veritatem, & mansuetudinem, & justitiam: & deducet te mirabiliter dextera tua. **A**llelúja, allelúja. *v.* Spécie tua, & pulchritudine tua, intende, prospère procède, & regna. Allelúja.

**S**equéntia sancti Euangélii secundùm Matthæum.

**I**n illo tempore: Dixit Iesus discipulis suis parabolam hanc. Simile est regnum cælorum thesauro abscondito in agro: quem qui invenit homo, abscondit, & præ gaudio illius vadit, & vendit universa quæ habet, & emit agrum illum. Iterum simile est regnum cælorum homini negotiadori, quæ-

renti bonas margaritas. Inventa autem una pretiosa margarita, abiit, & vendidit omnia quæ habuit, & emit eam. Iterum simile est regnum cælorum sagænæ missæ in mare, & ex omni genere piscium congreganti. Quam, cum impléta esset, educétes, & secus littus sedétes, elegerunt bonos in vasa, malos autem foras miserunt. Sic erit in consummatione sæculi: exibunt Angeli, & separabunt malos de medio justorum, & mittent eos in caminum ignis: ibi erit fletus, & stridor dentium. Intellexistis hæc omnia? Dicunt ei: Etiam. Ait illis: Ideo omnis scriba doctus in regno cælorum, similis est homini patrifamilias, qui profert de thesauro suo nova & vetera.

**Offertorium.** Diffusa est gratia in labiis tuis, propterea benedixit te Deus in æternum, & in sæculum sæculi.

**Secreta.**

**A**ccépta tibi sit, Dómine, sacratæ plebis oblatio pro tuorum honore Sanctorum: quorum se méritis de tribulatione percipisse cognoscit auxilium. Per Dóminum nostrum.

**Communio.** Dilexisti justitiam, & odisti iniquitatem: propterea unxit te Deus, Deus tuus, oleo lætitiæ præ confortibus tuis.

**Postcommunio.**

**S**atiasti Dómine familiam tuam munéribus sacris: ejus quæsumus semper interventione nos refove, cujus solémnia celebramus. Per Dóminum.

F I N I S.